

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-7907-1/14.
Zenica, 17.04.2014. godine

Z A P I S N I K
sa 160. sjednice Vlade Zeničko-dobojskog kantona održane 17.04.2014. godine

Sjednica je održana u sali 109, prvi sprat u zgradi Kantona, dana 17.04.2014. godine u trajanju od 11³⁸ do 13⁵⁵ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Sabina Heljić, ministrica Ministarstva finansija,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline,
9. Nedžad Lokmić, ministar Ministarstva za boračka pitanja,
10. Rifat Delić, ministar Ministarstva unutrašnjih poslova,

kao i:

1. Berjana Ačkar, sekretar Vlade,
2. Mirsad Kadić, sekretar Sekretarijata za zakonodavstvo,
3. Jasna Ahmetpahić, viši stručni saradnik za poslove informisanja u Uredu Premijera,
4. Alma Hrnjić., zapisničar.

Premijer je stavio na diskusiju predloženi

D N E V N I R E D

1. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za pravosuđe i upravu – Kantonalno tužilaštvo u Zenici;
Izvjestilac: Romana Brkić, ministrica

2. Prijedlog Odluke o proširenom obimu prava iz oblasti zdravstvene zaštite za branioce i članove njihovih porodica, sa Prijedlogom Zaključka o utvrđivanju;
3. Prijedlog Zaključka o odobravanju sredstava Savezu dobitnika najvećih ratnih priznanja ZE-DO kantona u svrhu sufinansiranja održavanja XI izvještajno-izborne skupštine Saveza;
4. Prijedlog Zaključka o odobravanju sredstava Savezu dobitnika najvećih ratnih priznanja ZE-DO kantona u svrhu sufinansiranja uređenja prostorija Saveza;
5. Prijedlog Zaključka o odobravanju sredstava Savezu ratnih vojnih invalida ZE-DO kantona u svrhu sufinansiranja održavanja redovne Skupštine Saveza;
6. Prijedlog Zaključka o odobravanju sredstava Udruženju građana ratnih vojnih invalida paraplegičara ZE-DO kantona u svrhu finansiranja tradicionalnog godišnjeg druženja na izletištu Bistričak;
7. Prijedlog Zaključka o odobravanju otpisa duga po Ugovoru o kreditu broj: PU-600/02 korisnika Šerifi Saliha, razvojačenog branitelja iz Breze;
Izvjestilac: Nedžad Lokmić
8. Prijedlog Rješenja o izmjeni Rješenja o uspostavljanju Policijskog odbora Ministarstva unutrašnjih poslova Zeničko-dobojskog kantona i imenovanju njegovih članova;
Izvjestilac: Rifat Delić, ministar
9. Prijedlog Zaključka o odobravanju sredstava za pomoć u finansiranju projekta energetske efikasnosti za školske objekte;
10. Prijedlog Zaključka o odobravanju sredstava Udruženju inženjera saobraćaja i komunikacija u BiH za realizaciju naučno-stručnog skupa pod nazivom: "Sigurnost i zaštita u saobraćaju, transportu i komunikacijama u Bosni i Hercegovini".
Izvjestilac: Edin Terzić, ministar
11. Prijedlog Zaključka o odobravanju sredstava Šut Elmiru iz Zenice na ime finansijske pomoći za odlazak na međunarodno takmičenje INEPO u2014 u Istanbulu, Turska;
Izvjestilac: Munib Husejnagić, premijer

Predložene su dopune dnevnog reda sljedećim tačkama:

1. Pravilnik o uslovima i načinu davanja šumskog zemljišta u državnom vlasništvu u zakup i uspostavi prava služnosti;
Izvjestilac: Bojan Bošnjak, ministar
2. Program utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomski kod 821 600, pozicija «Rekonstrukcija i investiciono održavanje»
Izvjestilac: Mirko Trifunović, ministar
3. Prijedlog Rješenja o imenovanju Šut Semira, magistra kriminalističkih nauka, na dužnost policijskog komesara u Ministarstvu unutrašnjih poslova Zeničko-dobojskog kantona;
Izvjestilac: Rifat Delić, ministar
4. Prijedlog Zaključka o zaduženju Ministarstvu finansija o unosu sredstava u operativnom planu Ministarstva zdravstva, za mjesec april 2014. godine, radi realizacije Odluke o odobravanju sredstava JU Kantonalna bolnica Zenica na ime refundacije troškova finansiranja nabavljene opreme od firme "Siemens"d.o.o. Sarajevo, broj: 02-14-5683/14 od 19.03.2014. godine.
Izvjestilac: Senka Balorda, ministrica.

Članovi Vlade saglasili su se sa predloženim dopunama, te je za sjednicu jednoglasno usvojen slijedeći

DNEVNI RED

1. Prijedlog Odluke o uvećanju sredstava u Budžetu Zeničko-dobojskog kantona za 2014. godinu za budžetskog korisnika iz nadležnosti Ministarstva za pravosuđe i upravu – Kantonalno tužilaštvo u Zenici;
Izvjestilac: Romana Brkić, ministrica
2. Prijedlog Odluke o proširenom obimu prava iz oblasti zdravstvene zaštite za branioce i članove njihovih porodica, sa Prijedlogom Zaključka o utvrđivanju;
3. Prijedlog Zaključka o odobravanju sredstava Savezu dobitnika najvećih ratnih priznanja ZE-DO kantona u svrhu sufinansiranja održavanja XI izvještajno-izborne skupštine Saveza;
4. Prijedlog Zaključka o odobravanju sredstava Savezu dobitnika najvećih ratnih priznanja ZE-DO kantona u svrhu sufinansiranja uređenja prostorija Saveza;
5. Prijedlog Zaključka o odobravanju sredstava Savezu ratnih vojnih invalida ZE-DO kantona u svrhu sufinansiranja održavanja redovne Skupštine Saveza;
6. Prijedlog Zaključka o odobravanju sredstava Udruženju građana ratnih vojnih invalida paraplegičara ZE-DO kantona u svrhu finansiranja tradicionalnog godišnjeg druženja na izletištu Bistričak;
7. Prijedlog Zaključka o odobravanju otpisa duga po Ugovoru o kreditu broj: PU-600/02 korisnika Šerifi Saliha, razvojačenog branitelja iz Breze;
Izvjestilac: Nedžad Lokmić
8. Prijedlog Rješenja o izmjeni Rješenja o uspostavljanju Policijskog odbora Ministarstva unutrašnjih poslova Zeničko-dobojskog kantona i imenovanju njegovih članova;
Izvjestilac: Rifat Delić, ministar
9. Prijedlog Zaključka o odobravanju sredstava za pomoć u finansiranju projekta energetske efikasnosti za školske objekte;
10. Prijedlog Zaključka o odobravanju sredstava Udruženju inženjera saobraćaja i komunikacija u BiH za realizaciju naučno-stručnog skupa pod nazivom: “Sigurnost i zaštita u saobraćaju, transportu i komunikacijama u Bosni i Hercegovini”.
Izvjestilac: Edin Terzić, ministar
11. Prijedlog Zaključka o odobravanju sredstava Šut Elmira iz Zenice na ime finansijske pomoći za odlazak na međunarodno takmičenje INEPO u2014 u Istanbulu, Turska;
Izvjestilac: Munib Husejnagić, premijer
12. Pravilnik o uslovima i načinu davanja šumskog zemljišta u državnom vlasništvu u zakup i uspostavi prava služnosti;
Izvjestilac: Bojan Bošnjak, ministar
13. Program utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomski kod 821 600, pozicija «Rekonstrukcija i investiciono održavanje»
Izvjestilac: Mirko Trifunović, ministar
14. Prijedlog Rješenja o imenovanju Šut Semira, magistra kriminalističkih nauka, na dužnost policijskog komesara u Ministarstvu unutrašnjih poslova Zeničko-dobojskog kantona;
Izvjestilac: Rifat Delić, ministar
15. Prijedlog Zaključka o zaduženju Ministarstvu finansija o unosu sredstava u operativnom planu Ministarstva zdravstva, za mjesec april 2014. godine, radi realizacije Odluke o

odobranju sredstava JU Kantonalna bolnica Zenica na ime refundacije troškova finansiranja nabavljene opreme od firme "Siemens"d.o.o. Sarajevo, broj: 02-14-5683/14 od 19.03.2014. godine.

Izvjestilac: Senka Balorda, ministrica

Prije prelaska na razmatranje tačaka po usvojenom dnevnom redu, Sekretar Vlade je upoznala članove Vlade da je tokom izrade akata sa 159. sjednice Vlade bilo nepohodno uobličiti zaključak kojim je dat zadatak da se analiziraju odredbe Zakona o kantonalnim administrativnim taksama, istraži praksa prikupljanja taksi uobičajenu u okruženju (alko-test, registracija vozila, isl.), te ocijeni opravdanost inicijative za izmjene gore navedenog zakona. U tom smislu bilo je neophodno odrediti nosioca aktivnosti, te je formirana radna grupa koja će izvršiti ovaj zadatak.

Pored ovoga, zaključak Vlade kojim je naloženo smanjenje naknada članovima Nezavisnog odbora za izbor i reviziju, iz razloga nadležnosti, preinačen je u Vladin prijedlog upućen Komisiji za privredu, ekonomsku i finansijsku politiku, budžet i finansije Skupštine Zeničko-dobojskog kantona, da u cilju racionalizacije troškova i dosljednog provođenja Programa mjera štednje, a tamo gdje to pozitivne zakonske norme dozvoljavaju, pristupi izmjenama akata kojima se utvrđuje visina naknade članovima Nezavisnog odbora za izbor i reviziju i drugih radnih tijela Skupštine, tako da se samo za spoljne članove utvrdi mjesečna naknada za rad u iznosu od 100,00 KM, a da se za članove iz reda službenika i namještenika obračunava prekovremeni rad.

Prva tačka dnevnog reda

Obrazloženje za ovu tačku dnevnog reda dala je ministrica Ministarstva za pravosuđe i upravu.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2014. godinu

Član 1. (Predmet)

(1) Odobrava se uvećanje sredstava u Budžetu Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13) za budžetskog korisnika iz nadležnosti Ministarstva za pravosuđe i upravu-Kantonalno tužilaštvo Zeničko-dobojskog kantona.

(2) Uvećanje sredstava u Budžetu Zeničko-dobojskog kantona za 2014. godinu, vrši se na slijedeći način:

(a) na razdjelu 16, budžetska organizacija 04, potrošačka jedinica 0001 – Kantonalno tužilaštvo Zeničko-dobojskog kantona, sredstva na poziciji

611 100 bruto plaće i naknade	58.600,13 KM
611 200 naknade troškova zaposlenih	7.074,00 KM
612 100 doprinosi poslodavca	6.153,01 KM
613 100 putni troškovi	5.800,00 KM
(za podizanje gotovine u blagajnu)	
613 500 izdaci za usluge prijevoza i goriva	5.000,00 KM
613 900 ugovorene i druge posebne usluge	25.350,13 KM

Plan IZDACI iz donacija u 2014. godini, uvećavaju se za ukupan iznos od 107.977,27 KM

(b) U Budžetu Zeničko-dobojskog kantona za 2014.godinu u dijelu A. PRIHODI u koloni Plan 2014. godina, sredstva na poziciji 722751- Primljene namjenske donacije neplanirane u budžetu, uvećavaju se za 107.977,27 KM.

Član 2.

(Namjena korištenja sredstava i izvještavanje)

(1) Uplaćena sredstva od strane Federalnog tužilaštva, Kantonalno tužilaštvo Zeničko-dobojskog kantona će utrošiti za realizaciju projekta IPA 2012/2013 „Podrška efikasnom procesuiranju predmeta ratnih zločina u BiH“ u 2014. godini.

(2) Kantonalno tužilaštvo je dužno sačiniti izvještaj o namjenskom utrošku sredstava i isti dostaviti Ministarstvu finansija najkasnije 7 (sedam) dana nakon utroška sredstava.

Član 3.

(Realizacija odluke)

Zadužuju se Ministarstvo za pravosuđe i upravu i Ministarstvo finansija, da u skladu sa zakonom i podzakonskim aktima realizuju ovu Odluku svako u okviru svojih nadležnosti.

Član 4.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Druga tačka dnevnog reda

U diskusiji su učestvovali: Premijer Zeničko-dobojskog kantona, ministrica Ministarstva finansija, ministar Ministarstva za poljoprivredu, šumarstvo i vodoprivredu, Sekretar Vlade.

Vlada je jednoglasno donijela Zaključak kojim se odlaže izjašnjavanje po tački dnevnog reda: Prijedlog Zaključka o utvrđivanju Prijedloga Odluke o proširenom obimu prava iz zdravstvene zaštite za branioce i članove njihovih porodica.

Zadužuje se Ministarstvo za boračka pitanja da doradi Prijedlog Odluke o proširenom obimu prava iz zdravstvene zaštite za branioce i članove njihovih porodica i pribavi novo mišljenje Ministarstva finansija u skladu sa iznesenom diskusijom na sjednici Vlade.

Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je ministar Ministarstva za boračka pitanja.

Vlada je sa 10 glasova „za“ i 1 glasom „suzdržan“ donijela Zaključak kojim se odobravaju sredstva u iznosu od 2.500,00 KM (slovima: dvijehiljadepetstotina konvertibilnih maraka) Savezu dobitnika najvećih ratnih priznanja Zeničko-dobojskog kantona u svrhu sufinansiranja održavanja XI. izvještajno-izborne Skupštine Saveza.

Sredstva iz tačke I. Zaključka isplatit će se iz Budžeta Zeničko-dobojskog kantona za 2014. godinu razdjel 24, budžetska organizacija 01, potrošačka jedinica 0001, ekonomski kod 614200- "Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Saveza dobitnika najvećih ratnih priznanja Zeničko-dobojskog kantona, koji se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana doznake sredstava na račun.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Zaključak stupa na snagu danom donošenja.

Četvrta tačka dnevnog reda

Vlada je sa 10 glasova „za“ i 1 glasom „suzdržan“ donijela Zaključak kojim se odobravaju sredstva u iznosu od 2.500,00 KM (slovima: dvijehiljadepetstotina komvertibilnih maraka) Savezu dobitnika najvećih ratnih priznanja Zeničko-dobojskog kantona u svrhu sufinansiranja posebnih aktivnosti udruženja-uređenje prostorija Saveza na adresi M.S. Serdarevića broj 6., Zenica.

Sredstva iz tačke I. Zaključka isplatit će se iz Budžeta Zeničko-dobojskog kantona za 2014. godinu razdjel 24, budžetska organizacija 01, potrošačka jedinica 0001, ekonomski kod 614200- "Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Saveza dobitnika najvećih ratnih priznanja Zeničko-dobojskog kantona, koji se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana realizacije programa.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Zaključak stupa na snagu danom donošenja.

Peta tačka dnevnog reda

Vlada je sa 10 glasova „za“ i 1 glasom „suzdržan“ donijela Zaključak kojim se odobravaju sredstva u iznosu od 1.500,00 KM (slovima: jednahiljadepetstotina konvertibilnih maraka) Savezu ratnih vojnih invalida Zeničko-dobojskog kantona u svrhu sufinansiranja održavanja redovne, godišnje Skupštine Saveza.

Sredstva iz tačke I. Zaključka isplatit će se iz Budžeta Zeničko-dobojskog kantona za 2014. godinu razdjel 24, budžetska organizacija 01, potrošačka jedinica 0001, ekonomski kod 614200- "Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Saveza ratnih vojnih invalida Zeničko-dobojskog kantona, koji se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana doznake sredstava na račun.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

Zaključak stupa na snagu danom donošenja.

Šesta tačka dnevnog reda

Vlada je sa 10 glasova „za“ i 1 glasom „suzdržan“ donijela Zaključak kojim se odobravaju sredstva u iznosu od 2.000,00 KM (slovima: dvijehiljade konvertibilnih maraka) Udruženju građana ratnih vojnih invalida paraplegičara u Zeničko-dobojskog kantona u svrhu finansiranja posebnih aktivnosti udruženja-projekat tradicionalnog, godišnjeg druženja ratnih vojnih invalida paraplegičara sa područja Zeničko-dobojskog kantona na izletištu Bistričak, Zenica.

Sredstva iz tačke I. Zaključka isplatit će se iz Budžeta Zeničko-dobojskog kantona za 2014. godinu razdjel 24, budžetska organizacija 01, potrošačka jedinica 0001, ekonomski kod 614200- "Tekući transferi pojedincima", subanalitika OAD 204 "Sredstva za rad branilačkih udruženja" Ministarstva za boračka pitanja.

Uplata sredstava bit će izvršena na račun Udruženja građana ratnih vojnih invalida paraplegičara u Zeničko-dobojskog kantona, koje se obavezuje da izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana realizacije projekta.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.
Zaključak stupa na snagu danom donošenja.

Sedma tačka dnevnog reda

Obrazloženje za ovu tačku dnevnog reda dao je ministar Ministarstva za boračka pitanja.

U diskusiji su učestvovali: Premijer Zeničko-dobojskog kantona, ministrica Ministarstva finansija, Sekretar Sekretarijata za zakonodavstvo, Sekretar Vlade.

Vlada je jednoglasno donijela Zaključak kojim se odlaže izjašnjavanje po tački dnevnog reda: Prijedlog Zaključka kojim se odobrava otpis duga po Ugovoru o kreditu broj PU-600/02 zaključenog dana 05.03.2002. godine između Šerifi (Abdima) Saliha, razvojačenog branitelja iz Breze i Sparkasse bank d.d. Sarajevo, radi pribavljanja dodatnih informacija, odnosno sveobuhvatnije obrade predmetnog zaključka.

Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je ministar Ministarstva unutrašnjih poslova.

Vlada je jednoglasno donijela Rješenje o izmjeni Rješenja o uspostavljanju Policijskog odbora Ministarstva unutrašnjih poslova Zeničko-dobojskog kantona i imenovanju njegovih članova

Član 1.

U Rješenju o uspostavljanju Policijskog odbora Ministarstva unutrašnjih poslova Zeničko-dobojskog kantona i imenovanju njegovih članova („Službene novine Zeničko-dobojskog kantona“, broj 16/12), član 4. mijenja se i glasi:

„Članovi Policijskog odbora i zaposlenik koji obavlja administrativno tehničke poslove za potrebe Policijskog odbora će poslove i zadatke iz svoje nadležnosti obavljati u toku radnog vremena, bez naknade za rad“.

Član 2.

Član 5. se briše.

Član 3.

Dosadašnji članovi 6. i 7. postaju članovi 5. i 6.

Član 4.

Ovo rješenje stupa na snagu danom donošenja, objavit će se u "Službenim novinama Zeničko-dobojskog kantona", a primjenjivat će se od 01.04.2014. godine.

Deveta tačka dnevnog reda

Obrazloženje za ovu tačku dnevnog reda dao je ministar Ministarstva za prostorno uređenje, promet i komunikacije i zaštitu okoline.

U diskusiji su učestvovali: ministrica Ministarstva finansija, ministrica Ministarstva za pravosuđe i upravu, ministar Ministarstva unutrašnjih poslova, ministar Ministarstva za poljoprivredu, šumarstvo i vodoprivredu, ministar Ministarstva za privredu, ministar Ministarstva za rad, socijalnu politiku i izbjeglice, Sekretar Sekretarijata za zakonodavstvo.

Vlada je jednoglasno donijela Zaključak kojim se odlaže izjašnjavanje po tački dnevnog reda: Prijedlog Zaključka o odobravaju sredstava za finansiranje energetske efikasnosti (energetskog

audita) po prijedlogu Ministarstva za obrazovanje, nauku, kulturu i sport, radi dorade u skladu sa iznesenim diskusijama na sjednici Vlade.

Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se odobravaju sredstva iz tačke II Programa utroška sredstava dobijenih na osnovu naknada za obavljene tehničke preglede vozila za 2014. godinu, utvrđena projektom 2. "Grant za projekte neprofitnih organizacija", Udruženju inženjera saobraćaja i komunikacija u Bosni i Hercegovini, sa sjedištem u Sarajevu, u iznosu od 4.000,00 KM (slovima: četirihiljade konvertibilnih maraka), za realizaciju projekta-naučno-stručnog skupa pod nazivom: "Sigurnost i zaštita u saobraćaju, transportu i komunikacijama u Bosni i Hercegovini".

Sredstva za realizaciju projekta iz tačke I ovog zaključka obezbjedit će se iz dijela namjenskih sredstava Budžeta Zeničko-dobojskog kantona za 2014. godinu, sa razdjela 19, budžetska organizacija 01, potrošačka jedinica 0001, ekonomski kod 614300, pozicija "Tekući transfer neprofitnim organizacijama".

Zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svoje nadležnosti.

Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Šut Elmiru iz Zenice u iznosu od 500,00 KM (slovima: petsto konvertibilnih maraka), na ime finansijske pomoći za odlazak na međunarodno takmičenje INEPO 2014" koje se održava u Istanbulu (Turska).

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2014. godinu, Ured premijera, razdjel 11, budžetska organizacija 01, potrošačka jedinica 0001, ekonomski kod 614200(BCD201), pozicija "Tekući transferi za posebno nadarene i talentovane mlade".

Sredstva uplatiti na štednu knjižicu imenovanog Elmira Šuta iz Zenice, broj: 161 055 00000000 32 - 09550392519, otvorenog kod Raiffeisen bank dd BiH, Filijala Zenica.

Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o namjenskom utrošku sredstava u roku od 30 dana.

Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je ministar Ministarstva za poljoprivredu, šumarstvo i vodoprivredu.

Diskutovala je ministrica Ministarstva za pravosuđe i upravu.

Vlada je jednoglasno donijela Zaključak kojim se tačka dnevnog reda: Prijedlog Pravilnika o uslovima i načinu davanja šumskog zemljišta u državnom vlasništvu u zakup i uspostavi prava služnosti, vraća na doradu.

Zadužuje se Ministarstvo za poljoprivredu šumarstvo i vodoprivredu da u skladu sa iznesenom diskusijom na sjednici Vlade pribavi mišljenja Sekretarijata za zakonodavstvo, Ministarstva za pravosuđe i upravu i Kantonalnog pravobranilaštva Zenica.

Zaključak stupa na snagu danom donošenja.

13. tačka dnevnog reda

Obrazloženje za ovu tačku dnevnog reda dao je ministar Ministarstva za obrazovanje, nauku, kulturu i sport.

U diskusiji su učestvovali: ministar Ministarstva za prostorno uređenje, promet i komunikacije i zaštitu okoline, ministar Ministarstva za rad, socijalnu politiku i izbjeglice.

Vlada je sa 9 glasova „za“, 1 glasom „protiv“ i 1 glasom „suzdržan“ donijela Zaključak kojim se usvaja Program utroška sredstava iz Budžeta Zeničko-dobojskog kantona za 2014. godinu Ministarstva za obrazovanje, nauku, kulturu i sport, razdjel 22, budžetska organizacija 01, potrošačka jedinica 0001, ekonomskog koda 821600, pozicije «Rekonstrukcija i investiciono održavanje», u iznosu od **985.000,00 KM** (slovima: devetstoosamdesetpethiljadakonvertibilnih maraka) i čini sastavni dio ovog zaključka.

Sredstva planirana Budžetom Kantona za namjene predviđene ovim Zaključkom, realizovaće se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

Zadužuju se Ministarstvo za obrazovanje, nauku, kulturu i sport i Ministarstvo finansija, da realizuju ovaj Zaključak u skladu sa zakonom i podzakonskim aktima, svako u okviru svojih nadležnosti.

Zadužuje se Ministarstvo za obrazovanje, nauku, kulturu i sport da o utrošenim sredstvima po ovom programu polugodišnje izvještava Vladu Kantona.

Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dao je ministar Ministarstva unutrašnjih poslova.

U diskusiji su učestvovali: Premijer Zeničko-dobojskog kantona, ministar Ministarstva za poljoprivredu, šumarstvo i vodoprivredu.

Vlada je jednoglasno donijela Rješenje kojim se Šut Semir, magistar kriminalističkih nauka, imenuje na dužnost policijskog komesara u Ministarstvu unutrašnjih poslova Zeničko-dobojskog kantona, na period od 4 godine.

Rješenje stupa na snagu dana 07.05.2014. godine i objavit će se u „Službenim novinama Zeničko-dobojskog kantona“ i „Službenim novinama Federacije Bosne i Hercegovine“.

15. tačka dnevnog reda

Obrazloženje za ovu tačku dnevnog reda dala je ministrica Ministarstva finansija.

Vlada je jednoglasno donijela Zaključak kojim se nalaže Ministarstvu finansija da u operativnom planu Ministarstva zdravstva, za mjesec april 2014. godine, unese iznos od 498.128,28 KM (slovima: četiristotine devedeset osam hiljada sto dvadeset osam i 28/100 konvertibilnih maraka) radi realizacije Odluke o odobravanju sredstava JU Kantonalna bolnica Zenica na ime refundacije troškova finansiranja nabavljene opreme od firme "Siemens"d.o.o. Sarajevo, broj: 02-14-5683/14 od 19.03.2014. godine.

Iznos iz tačke I sadržan je u Budžetu Zeničko-dobojskog kantona za 2014. godinu ("Službene novine Zeničko-dobojskog kantona" broj 15/13) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija "Kapitalni transferi drugim nivoima vlasti-za zdravstvo",.

Za realizaciju ovog zaključka zdužuju se Ministarstvo zdravstva i Ministarstvo finansija Zeničko-dobojskog kantona, svako u okviru svojih nadležnosti.

Zaključak stupa na snagu danom donošenja.

Premijer je zaključio sjednicu u 13⁵⁵ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić